



SA GEMEENTE
SA CONGREGATION



Preek Tema vir die Maand. Blom waar jy geplant is!

Deur Andre Harmzen

Dit is soms maklik om in moeilike omstandighede vas te kyk. Dit voel soms of daar 'n see van 'onbeheerbare' faktore rondom ons woel en of die waters ons gaan oorweldig. In Jesus Christus se kruisgebeure is dit duidelik dat Hy ook so moes gevoel het. Gevolglik weet Hy hoe jy voel en verstaan Hy jou.

In die Bybel is daar verskeie karakters wat so gevoel het – Abraham, Josef, Moses, Ester en Daniël was almal gelowiges wie se omstandighede dit moeilik gemaak het om God soms raak te sien. Dit is egter interessant dat hierdie mense hulle oë juis op God gehou het, en Hy hulle gebede verhoor het. Elkeen van hierdie mense se verhale getuig van hoe God hulle omstandighede, beproewinge en persoonlikhede gebruik het tot eer van Sy Koninkryk.

Dr Jannie Le Roux sê: *“Baie mense is daarvan oortuig dat hulle die ideale omstandighede en geleenthede moet hê voordat hulle kan blom. Maar is dit nie tóg so dat 'n ongemaklike situasie ons kan help vorm en groei nie? Sodat ons gereed sal wees vir die volgende seisoen waartoe God ons wil beweeg en waar Hy ons wil gebruik nie? ...Om te blom waar jy geplant is, beteken dat jy jou fokus moet verskuif. Dat jy nie verder in jou omstandighede vaskyk nie, maar voortaan op Jesus fokus”*

Mag die Heilige Gees jou versterk om na jou lewe deur die oë van geloof te kyk en te blom waar God jou geplant het.





SA GEMEENTE
SA CONGREGATION

Maandelikse Bybelse Bespreking.

Nuwe lewe in Christus.

deur Dr WCJ van Wyk, verwerk deur André Harmzen

Ware Hoop.

Stemgeregtigde burgers van Suid-Afrika het op 8 Mei weer die geleentheid om na die stembus te gaan vir 'n algemene verkiesing. Die aanloop tot die verkiesing het gepaard gegaan met voornemens van grondonteiening, beurtkrag, opspraakwekkende onthullings oor staatskaping en korrupsie, opruiende uitsprake en sosiale onrus. Plek-plek het dit omgesit in sinnelose geweld wat afbreek en verwoes.

Wêreldwyd getuig die nuus van sinneloosheid; geweld; onnodige verwoesting en vernietiging van die mensdom en die skepping; en vervreemding van God se wil. Ons dink aan die aanvalle in Sri-Lanka, Nieu-Seeland, die Midde Ooste, Frankryk, Afrika en selfs Brittanje. Die UK is steeds besig met 'n Brexit proses wat baie mense se lewens beïnvloed en uitdagend maak.

Juis onder sulke omstandighede word 'n gelowige se vertroue op God beproef. Ons verbintenis om in Christus se voetspore te volg, word deur die gebeure om ons getoets. Dit is menslik om moedeloos te raak, en dit is maklik om die vinger te wys en te veroordeel. Maar dit is nie wat 'n kind van God doen nie.

Jesus leer ons:

*Geseënd is dié wat weet hoe afhanklik hulle van God is, want aan hulle behoort die koninkryk van die hemel ...
Geseënd is die vredemakers, want hulle sal kinders van God genoem word.* (Matteus 5: 3 en 9)

Paulus vermaan ons:

*Verbly julle in die hoop; staan vas in verdrukking; volhard in gebed. Moenie kwaad met kwaad vergeld nie.
Wees goedgesind teenoor alle mense. As dit moontlik is, sover dit van julle afhang, leef in vrede met alle mense.* (Romeine 12: 12-18)

Die kerk van die Here weet dat Hy regeer selfs wanneer daar onrus onder die volke is, en aardse magte bese planne smee. Laat elke lidmaat van ons Kerk daarom in hierdie tyd met ons woorde en daade getuig dat ons in Jesus Christus glo as die Een wat ware hoop bied vir die wêreld.

Moenie bang wees nie, maar wees altyd bly in die Here! ...Moenie kwaad praat en opstandig raak nie, maar bid vir dié wat julle vervloek.... Moenie in julle toewyding verslap nie, bly altyd geesdriftig, dien die Here.

Moet oor niks besorg wees nie, maar maak in alles julle begeertes deur gebed en smeking en met danksegging aan God bekend. En die vrede van God wat alle verstand te bowe gaan, sal oor julle harte en gedagtes die wag hou in Christus Jesus. (Filippense 4: 6 en 7)

Mag die Here jou seën, beskerm, en jou genadig wees; Mag die Here jou gebede verhoor en aan julle vrede gee.

Blom waar jy geplant is



SA GEMEENTE
SA CONGREGATION

Hemelvaart.

'n Gedig deur Adnama

Ek kyk op na die Hemel, want daar sal my hulp vandaan kom
Oor elke wonderwerk staan ek heeltemal verstom
Heer, sonder dat ek vra het U Seun vir my kom sterf
Sonder dat ek vra word ek deur liefde bederf
Met 'n lang pynlike lyding het Jesus vir my skuld kom betaal
Maar God het Hom nie vergeet en Hom weer kom haal
Soos belowe het Hy op gevaar na ons Vader
Op my knieë, in aanbidding, mag ek ook nou tot Hom nader
'n Lewende God, wat na ons klagtes luister het ons uit gesoek
En Hy dra ons uit, al voel ons gedryf in 'n hoek
Dankie Heer, dat ek openlik tot U mag bid
Dankie Heer, vir 'n Dag wat U vir ons kom bewys
Dat Jesus wel aan U regterhand sit
Dankie dat ons dit nog steeds mag herdenk
In ons harte het U kom woning maak
So enige plek en tyd kan ons voel hoe U ons aanraak
Heer, danksy Hemelvaart, is ons meer as gered
Danksy die feit dat Jesus opgevaar het, staan ons nie meer onder die wet
U ken ons swakhede, en behoeftes, U ken ons persoonlikhede
Heer, dankie dat U die Drie-eenheid is wat my lewe in U hand hou.



SA GEMEENTE
SA CONGREGATION

IN HIERDIE UITGAWE

HEMELVAART

GESAMENTLIKE PAASDIENS

LBC PAASDIENS

SPRING FUNDAY

GAIN UK

KONTAK ONS

Gesamentlike Paasdiens.

21 April 2019

250 Lidmate verteenwoordig al SA Gemeente se wyke.

Lofprysing en Aanbidding!

Nagmaal - Aangebied deur
Ds Andre Harmzen.

Dr Rian Steyn bedien met
'n Paasboodskap
Matt 25:1-13



**Potjiekos en kuier
na die Paasdiens.**
127 Lidmate kuier en
eet saam.





SA GEMEENTE
SA CONGREGATION

KALENDER

12 MEI 09:00 EREDIENS

18 MEI SPRING FUN DAY .

26 MEI 09:00 EREDIENS .

LBC Paasdiens
19 April 2019

Kerke in Loughton vat hande en
hou saam Nagmaal.





SA GEMEENTE
SA CONGREGATION

Spring Funday 18 Mei 2019



Ons Spring Funday, belooft om 'n dag gevul met pret en plesier vir die hele gesin, jou vriende en familie te wees.

Kom smul saam aan boerewors rolle, burgers, biltong, droëwors, vetkoeke, koeksisters, melktert en vele meer. Ons het ook uitstallers wat met hul talente gaan spog.

Vir die jongspan is daar springkastele, en in ons teetuin kan jy lekker ontspan met 'n heerlike koppie koffie of Rooibos tee.

Moenie die heerlike kuier geleentheid mis nie.

Om betrokke te raak kontak Ena by ena@sagemeente.com





SA GEMEENTE
SA CONGREGATION

GAIN UK

Eerstens wil Ek (Frikkie) en Amelia Greyling vir elkeen by SA Gemeente baie dankie sê vir elke bydrae wat julle gebring het om die vlugteling in Griekeland te help ondersteun. Ons het middel Desember 2018 'n 40 voet trok gestuur met wintersklere, vroue produkte en natuurlik 'n klomp tente insluitend die tente wat in die fliek "Mission Impossible" gebruik is.

Tom Cruise, Tente, 'Mission Impossible' en GAIN.

Na die fliek 'Mission Impossible 4' klaar geskied is, het die produksie span van die groot tente wat in die fliek gebruik is, geskenk aan MedAid. Hulle het dit weer goedgunstelik, saam met ander groot tente vir GAIN geskenk, en so vind die tente hul weg na die vlugteling wat in Moria aankom.

Hier is 2 van die vrywilligers wat gehelp het om die tente op te slaan se terugvoer:

Sharing stories of need and hope:

Collin shared, "We all had points when we thought it might not happen. It was truly mission impossible, and a miracle that we were able to get it up. In the end it was the best one that we assembled. It was such a real privilege to have been able to accomplish something so tangible in the camp that was going to directly and immediately be of benefit for these people who had already been through so much. I felt an overriding sense of hope in the people we met. They have already had to fight hard and sustain hope just to get this far. Even though they have very little, it is the hope they hold onto that keeps them going."

Danielle reflected on her experience of the past few months and all that has come from just a few Facebook posts. "When I went to Lesvos in October with GAIN UK I felt a little bit awkward about sharing the story of what I was doing – I didn't want people to think I was showing off or trying to draw attention to myself on social media. But I realised that when you are a witness to suffering, pain and loss on the kind of scale experienced by those in the Moria Refugee Camp, there is a responsibility to talk about. You can never know which parts of your story are going to connect with others, trigger something new, be meaningful in their lives or lead to something unexpected. It's humbling to be part of something so much bigger than yourself."





SA GEMEENTE
SA CONGREGATION

Kontak Andre Harmzen



SA Gemeente Loughton
Kerkkantoor
16 Baldocks Road
Theydon Bois
CM16 7EB
Epos: andre@sagemeente.com

Erediens Tye

Ons Eredienste is elke 2de
en 4de Sondag van die
maand om 09:00.

Adres

Baptist Church, 92 High
Road, Loughton, Essex, IG10
4QU
(Google Maps)

Kontak Ena



Ena Wassermann

Epos: ena@sagemeente.com